

CONVOCATORIA 2026

TESOROS VIVOS



1.- Lengua,
tradiciones y
expresiones orales



2.- Artes de la
representación



3.- Prácticas
sociales, rituales y
actos festivos



4.- Conocimientos y
usos relacionados
con la naturaleza y el
universo



5.- Artes y oficios
tradicionales

RECONOCIMIENTO A PERSONAS QUE
PRESERVAN, TRANSMITEN Y FORTALECEN
EL PATRIMONIO CULTURAL INMATERIAL
DE HIDALGO.

Ma. Elena García Sevilla - Intérprete de la
Lengua Indígena Tepehua del sur.

PREMIO

GUARDIÁN DEL PATRIMONIO HIDALGUENSE

Ju xa'ai'uxtin any Hidalgo, kaput'ach'alhkatnanak ju xa Secretaría lhich'alhkatnan lhima'ania atsukunti' Ju any lakinlakat'un'an Hidalgo chay bachu ju xa 'ai' Dirección tatalhipuch'alhkatnan, tatalhilkamay chay Tatapumalakasyu ju lhima'ania atsukunti, chay bachu muktaxtuy.

NAJUNCHI

Chus ju talaklhinajun (xa 'ai'uxtin (uxtin), talhinajun lakalakt'ikti' la'acha'an (tachu ma'ania talaklhinajun, chay bachu ju tamaklhinajun indígenas) jutalhich'alhkatnan lhima'ania atsukunti' chay bachu talhist'ak lhima'ania atsukunti' bachu talhist'ak ni jantu katsan'a alakmap'ulaputunkan ju lapanakni talhimispay ma'ania amispat lay katama'alhtayananak juka lakpulhila'amispakanak tachunajunchi any:

ju any

1. Katama'knabiyak Ju lapanakni

Lay kalakmap'ulakanak nitap'akxantachi la'akautsajin (18) k'at Ju ma'ania lhi'atsukunti' ix anut ju kin lakat'un'an Hidalgo, junanachi bayuchi talhinabik, baxlhich'alhkat'an tanabi, ju chunchi laichi talakmasuy tachu talhimispay chay tak'atsaichi tas tapunabich; bachu nitalaktsukutachi laxlakat'un'an chay ni anchi tabilanalh la'akis (5) k'at bachu nilay kamasu tas punabit'ajunchi ju lhimispay Chay ni chunchachi ju lhi la'amispakan lakat'ikti' ixla'acha'an

2. Ju task'ini

Nilaiichi kamap'ulakalh, bachu kamasuyak ju kalaksk'inikanak lak alhik

I. Kamapasakanak ju kalakmap'ulhkanak ni s'ot kama'axt'a'a ju alhik takanonak ni mispakan chay ni anchachi t'ajun

II. Chay Juka pula'amispakanak (INE) chay ma (CURP) kask'inkanak ju (CURP) aksny jantu' s'ot kama'axt'akanak ju lakskinkan kask'inkanak ju alhik takanonak ni anchachi t'ajun kaxt'ak'a laka pu'uxtin.

III. Kaxt'akanak la'atam alhik(cédula) takanonak ni ts'otk'ant'achi, tasuychi ju laka alhik ni firmarlatachi ju lapanak lhimispay ma'ania atsukunti' chay bachu ju mak ats'onuntachi, ju any lhila'ats'onut'

IV. La 'atam alhik takanonak ni la'amisp'ak'an ju lakalakat'iksti' la'acha'an kaxt'a'achi chay kats'o'achi jux firma ju lhinajun laminlakat'un, chuschu ju anchi talhinajun tak'atsaichi ni nimispai' ju lhima'ania atsukunti' chay bachu ni lhichunchachi lak lhimisp'akan nitama'anti' la'akaukis (15) k'at

V. Chay bachu amasuyak tachu pulhich'alhkatnan chay ni ma'anchi nabit'a'un ju any lhich'alhkat ni tama'atachi la'akaukis (15) k'at nabit'a'un ju any lhi'amisp'at chay katanonak ju lhinajun laminla'acha'an, juta map'aksitan 'ailapanakni, ala'ats'ostunti chay talaklhichibikantachi bachu 'eksm'atkan ju min chibinti' Kapuma'axt'ak'a ju p'uma'ak (USB)

VI. Nikalhajayanti' jukamaknabiyak ju any lhama'an katamalakasuyak la'atam alhik kaxt'a'a juma Administración Tribunal(SAT) ju any alhik kalhitapalayak la'achaxankau abilhchan, ju chunchi kalhita'aktsayak chus ju lakskinkan alhik chay chunchi mataskini kalakma'axta'j'okalh Ju chunchi laychi s'ot kaxta'kanak ju alhajanti'

3. Lak lhitapalay ju abilhchan

Ju any pumak'atsak katama'aya': tusnika malakasukanak chay tus laka la'anajatsi (9) abilhchan, malhkiyu' octubre kat 2026

Kala'oyak: laka; la'anajatsi (9) abilhchan, malhkiyu' octubre k'at 2026 laka la'akautujunkis(5) hora

Kanonkanak tischabaychi juxalhajay: ma laka lakp'uxantujun (27) abilhchan malhkiyu' octubre k'at 2026

Kalaxt'akanak ju alhajanti: kalajkunkanachi ju lapanakni tanchachi chay tabananchi kala'xtaknikanak ju alhajanti', chay kalakmak'atsakanak nikatik'akxa la'akis (5) abilhchan (lunes...htus viernes) Tachu kalhixajantachi kapumak'atsakanak laka pusast'i pulhimak'atsat Laka Secretaria pulhich'alhkatnan puma'ania atsukunti' ju any lakinlakat'un'an Hidalgo.

4. Tachu kaxta'kanak ju santau, chay taskalhipuxt'akanak ju alhajakanti'

Tachu kaxt'akanak ju pulhajat lhikamakantachi ju any \$400,000.00 (cuatrocientos mil pesos 00/100 M.N.), chini' kaxt'atkanak tachu s'ot kalhixajantat'



HIDALGO
PRIMERO EL PUEBLO
— 2022-2026 —

CULTURA
SECRETARÍA DE CULTURA

BIENESTAR
SECRETARÍA DE BIENESTAR
E INCLUSIÓN SOCIAL

	Tachu kala'lhixt'aknikanak	Taskapu'ux'anachi	Tachu s'ot kata'amalht ayananak
I.	Ju chibinti' ju ma'ania lhilaknabinti' chay tuchu kanomkanak ju lhima'ania lhimispak	Tanunchi ju lhichibinti' indigenas Ju pulhila'amispakanchi pulhima'ania mispak Alhik tu'u ju malakasuychi tachu lhima'ania mispakanchi laka la'kcha'an	80,000.00 M.N. la'atsajin kau(80) mil
II.	Ju laichi lajk'usi nabikan	Lhipastajkanta' ju xa asanti', ju lhi'at'inti', chus ju lay malakasukan lhima'ania atsukunti'	80,000.00 M.N. la'atsajin kau(80) mil
III.	Ju talhinabi ju lapanakni ixlakat ju lhimanía alaka'inti, lhima'ania atsukunti'	Chus ju k'atan laknabikan pulhima'ania atsukunti', pulhima'ania amispak.	80,000.00 M.N. la'atsajin kau(80) mil
IV.	Ju tamispaychi ixlakat ju lajk'ibin chay ju lakamunutpa'	Tachu lhimispakanchi lhi'ak'uch'unti ach'itin Tachu pulhich'alhkatnankan lakakuxtu', ju lakin lakat'un'an, chay bachu ju lhimispakanchi ju lakamunukpa'.	80,000.00 M.N. la'atsajin kau(80) mil
V.	Ju k'usi lhima'ania lhich'alhkat	Chay Mach'akxakan ju lhimisp'ak chay lay nabikan ju k'usi punabikan xkuju' Batijuchi ju lay laknabiminkant lhima'ania atsukunti'	80,000.00 M.N. la'atsajin kau(80) mil

Taska lhipuxt'akanak: ju kalhajakanak santau bakt'am kaxt'akanak laka tarjeta juxt'ak Banco, kapumaka'ankanak lakapusast'i lhimaka'anka, chay laka alhik ju tapalaichi santau, tas laichi kalhip'uxt'akanak chay tachukanonak ju Secretaría de Hacienda Lhi'ai uxt'in ju any lakinlakat'un'an Hidalgo.

5. Tachu kalaklhima'axt'akanak ju tumin

I. La'asimalhchi: ju kal'akxt'akanak lhi'alhtajunti' tachu lhikamakantachi ju tumin alinchi chay la'asimalhchi Ju nonkantachi kaxt'akanak ju any k'at 2026.

II. La'asimalhchi chay lay katapaxalh: ni jantu' s'ot kaxajcha ju lhich'alhkat ju Secretaría lay kaxt'aniyak apumatam ju santau ju chunchi laichi apumatan kaxt'aknikanak, aksny naba lhuchi lapanakni tamaknabiyak ju any lhich'alhkat kanonkanak ninalhitapalay ju nabi,kan, ni jantu chunchi kaxajcha bachu lay kamapuspitkanak ju santau laka Secretaría de Hacienda. Laka sekretaria tama'aixt'okanchi ju tumin Jantu' kalhimapalhkanak juta lak lhinabitkan lhich'alhkat ju anichi tamuktaxtukan.

III. Kalakmapalhkanak: ju lapanakni katamaklhajayak ixlakat ju tanabi' katamaknabi'anak ju katask'ini'anak tachu ka'alajkunak ju laka sekretaria tas katapulhimasu'anak, ju alaks'otkantachi, tatasuychi ju talhimispay (katamasuyak tas punabikanchi, talaichi katalhilakchibinak) Ju chunchi laichi ma'an katailhi'anak ju any lhimispak

6. Kamaklhtayanankanak ju talhajatachi lapanakni

Ju lapanakni talhajatachi, chay ju s'ot alhik laktask'ini, kalakma'axt'akanak juta lakt'ini ju laka 'ai Dirección tatapulhich'alhkatnan, tatapulhikay chay Tatamalakasuy lhima'ania atsukunti' laka sekretaria talhich'alhkatnan lhima'ania atsukunti' any Viaducto Río de las Avenidas, número 200, colonia Periodistas, Pachuca de Soto, Hidalgo C. P. 42060 (jantu kamaklhtaitakanak apumatan lapanak).

7. Tachu kapusakstukanak chay kal'aktsinkanak (tamalhchi ju palay 'ox)

Ju lhich'alhkat kalakla'ktsinak jukatalhich'alhkatnakan Tachu lhilhkamakantachi (30%), ju laichi kamasuyak ju any lhimispak (20%), juba lakt'san'aputunchi lhi'amispak (20%), p'untachi laka lakt'ikti la'acha'an (15%) chay ju ma'ania lhinabit'ajunchi (15%).

Jukas'akstukanak yuchi ju palaichi 'ox kalaktsinkanak Ju any lakma'axt'akanak lhi'ch'alhkat

Ni pumat'uy chay pumat'ut talhajak Ju katanonak tamalhchi ju paly 'ox kalaktsinak ju any najun:

• **P'ulhnan:** ju lapanak lhimispay ma'ania atsukunty anch katsukulh ju laka la'acha'an (tabasalhchi task'ini' chay ni Ma'at bilhcha, taakkilipatikan chay lakla 'acha'an indigenas).

• **Pula'at'uy:** ju lapanak lhimispay ma'ania atsukunty chay niba ts'an'aputunchi chay bachu nibalakats'unin Lakmasunikan ju as'atalapakni

• **Pula'at'ut:** ju lapanak lhimispay ma'ania atsukunty chay tsukutacha Lakala'acha'an indigena bachu ninaba lakatsunin lhichibinti' indigena chay Nalhxikay put'ajun.

• **Pula'at'ati:** ju lapanak lhimispay ma'ania atsukunty s'ot kanonak Taspunabit'ajunchi ju chunchi lhich'alhkat chay nanachi 'ox tasuy ju laxlakat'itti' la'acha'an



HIDALGO
PRIMERO EL PUEBLO
— 2022-2028 —

CULTURA
SECRETARÍA DE CULTURA

BIENESTAR
SECRETARÍA DE BIENESTAR
E INCLUSIÓN SOCIAL

8. Tatalaknajunchi taskalhi'ux'anak

Ju xalhichalakat ta'ox lakts'inchí ju técnica juchachi ju kanabiyak Ju katalhich'alhkatnanak técnico tachunchachi talaklhi'ahnaktolay

Chay natalhimispay ju lhichunchi matatama'ktanun pumakis(5) ju salhchi tamispay: la'atam (1) ju lhitalakxtuichi uxt'in. la'atam (1) chay ju ats'otnun, chay pumat'ut(3) vocalías.

Katata'aixt'o'a ixpumat'at'i'an lxlhichus'an katanonak taskalhi'ux'anak

Jukata lhipast'ak'a ju katalhabahich'alhkatnan chunchachi ju kas'otpujunak Jantuxamati' kanonak ni jantuchun.

9. Takapulhi'amak'atsakanak tasxalhi'ux'anchi

Aksny s'ot kanonak tasxalhi'ux'anchi juxalhilhaba chalhkatnanchi técnico kama'axt'aknikanak ju xa secretaria ju chunchi nanaj so'on kamak'atsakanak jux lak tapa'a'uk lapanakni katalhajayak laka pusast'i pulhich'alhkat web tapumalakasuichi ju secretaria pulhich'alhkatnan puma'ania atsukunti' ju any lakinlakat'un'an Hidalgo, chay tachu alik laka sast'l pulhich'alhkat, kapuma'akanak Lhipuma'akan jutalaklhajachi (PUB) kapulhist'aka' ju SEBISO.

10. Tachu kalayak kapulhixakakanak

Aksny jantuchi kamaktanuyak chay jantu' kaxt'aknikanak lhi'alhtaijut

• **Nikalaksk'inkalh:** jantuxamati' kask'inak ju kalhajakanak ninxamat'i kamats'iskinli ni laichi xapulhjakan.

• **Jubajantuchi s'ot kalhixajant:** jant'u s'ot ma'axt'akant' ju alhik Ju chunchi jantuchi lay tu'u kalhila'oxikanak.

• **Nikak'axa ju s'ot lak alhik:** ni jant'u ma'axt'akant' juta pusk'inkanchi ju maklhinabit jant'u ts'otkant', jantu' s'ot nabikant' Juta kanaulichi nila'amispay juxla'acha'an.

Nana' s'ot kapulhinabikanak ju lhi'amaknabit

• Jantulay katamaknabiyak ju lapanakni anchi tach'alhkatnan laka Comisión secretaria.

• Jantulay katamaknabiyak juxlak'ala'abin ju anchachi tach'alhkatnan Laka secretaria yuchi lay katanuyak ju pakma'at mintacha, jantu' ix'ala'abin.

Jubajantuchi lhilaktsinkanta' jta laknonkant' laychi 'oxkalakl'aktsinkanak chay Katalhila'oxiyak tachu najuntachi juta pulamak'atsakanti'.

Nika maktanukanak juta xalhimak'atsakant, ju uxint'i misp'ak chay lhilak'aski tachu xanajun juta xapulhimak'atsakan Ju any lhama'an lhima'ania lhi atsukunti' natapalay pulhilhajak pulhistajka ix'anut macha'an hidalgo nilaichi kalhilhistakli ju any k'at 2026. Laichi kal'aktsil juta ts'otkantachi laka Periódico Oficial lakinlakat'un'an anichy lakasast'i pulhichalkat alaktsinak:

https://periodico.hidalgo.gob.mx/?tribe_events=periodico-oficial-alcance-2-del-11-de-junio-de-2026

11. Lay asakmininak ju s'ot

Talay ap'uch'ibilak'a'anak 771 778 0538 y 771 778 0921 ext. La'ap'uxant'at'i (24) Lay ach'ibinak ju laka abilhchan Lunes chay tus viernes batsisin laka la'anajatsi 9:00 hora, tus to'oxay la'akis 5:00 hora



HIDALGO
PRIMERO EL PUEBLO
— 2022-2028 —

CULTURA
SECRETARÍA DE CULTURA

BIENESTAR
SECRETARÍA DE BIENESTAR
E INCLUSIÓN SOCIAL